

K. no. 1088

大宋新譯三藏聖教序

御製

杜

大矣哉我佛之教也化導群迷闡揚
宗性廣傳宏辯英彥莫能究其旨精
微妙說庸愚豈可度其源義理幽玄
真空莫測苞括萬象譬喻無垠綜法
網之紀綱演無際之正教拔四生於
苦海譯三藏之秘言天地變化乎陰
陽日月盈虧乎寒暑大則說諸善惡
細則比於恒沙含識萬端弗可盡述
若窺像法如影隨形離六情以長存
歷千劫而可久須彌納藏於芥子如
來坦蕩於無邊達磨西來法傳東土
宣揚妙理順從指歸彼岸菩提愛河
生滅用行於五濁惡趣拯溺於三業
途中經垂世以難窮道無私而永泰
雪山貝葉若銀臺之耀目歲月煙蘿
起香界之自遠巍巍罕測者難名
所以道資十聖德被三賢至道起於
乾元衆妙生乎太易惚恍形類鑿鑿
昏明絕彼是非開茲蒙昧有西域法
師天息災等常持四忍早悟三乘翻

貝葉之真詮續人天之聖教芳猷重
啓運偶昌時潤五聲於文章暢四始
於風律堂堂容止穆穆輝華曠劫而
昏墊重明玄門昭顯軌範而弥光妙
法淨界騰音利益有情俱登覺岸無
成障礙救諸疲羸冥昧慈悲浩汙物
表柔伏貪猥啓滌昏愚演小乘聲聞
合其儀論大乘正覺立其性含靈悟
而蒙福藏教缺而重興幻化迷途火
宅深喻雖設其教不知者多善念生
而無量潛臻惡業興而隨緣皆墮調
御四衆積行十方樹花雨於金輪護
恒沙於玉闕有頂之風不可壞無際
之水弗能漂澄寂湛然圓明清淨之
智慧性空無染妄想解脫之因緣可
以離煩惱於心田可以得清涼於宇
宙朕慙非博學釋典微閑豈堪序文
以示來者如縻螢燭火不足比之於
皎日將微蠹量海未能窮盡於深淵
者哉

佛說大乘莊嚴寶王經卷第一

如是我聞一時世尊在舍衛國祇樹

中印度摩竭國舍衛國祇樹國祇樹
大宋莊嚴寶王經卷第一 第三張 杜

給孤獨園與大慈菴衆千二百五十
人俱并諸菩薩摩訶薩衆其名曰金
剛手菩薩摩訶薩智見菩薩摩訶薩
金剛軍菩薩摩訶薩祕密藏菩薩摩
訶薩虛空藏菩薩摩訶薩日藏菩薩
摩訶薩無動菩薩摩訶薩寶手菩薩
摩訶薩普賢菩薩摩訶薩證真常菩
薩摩訶薩除蓋障菩薩摩訶薩大勤
勇菩薩摩訶薩藥王菩薩摩訶薩觀
自在菩薩摩訶薩執金剛菩薩摩訶
薩海慧菩薩摩訶薩持法菩薩摩訶
薩等八十俱脰菩薩皆來集會
是時復有三十二諸天子衆皆來集
會大自在天及耶羅延天而爲上首
帝釋天王索訶世界主大梵天王日
天月天風天水天如是諸天衆等皆
來集會復有百千龍王所謂阿鉢邏
羅龍王瞿擲鉢恒哩龍王底銘
疑隸龍王主地龍王百頭龍王虎
紕拏龍王得叉計龍王牛頭龍王鹿
頭龍王難陀龍王跋難陀龍王魚子
龍王無熱惱龍王娑婆嚩拏龍王如
是諸龍王等皆來集會

大宋莊嚴寶王經卷第一 第三張 杜

復有百千彥達縛王所謂鼓音彥達
縛王妙聲彥達縛王千臂彥達縛王
天主彥達縛王身歡喜彥達縛王種
種樂音彥達縛王莊嚴彥達縛王現
童子身彥達縛王妙臂彥達縛王法
樂彥達縛王如是等諸彥達縛王皆
來集會

復有百千緊那囉王所謂妙口緊那
囉王寶冠緊那囉王熙怡緊那囉王
歡喜緊那囉王輪莊嚴緊那囉王珠
寶緊那囉王大腹緊那囉王堅固精
進緊那囉王妙勇緊那囉王百口緊
那囉王大樹緊那囉王如是等諸緊
那囉王皆來集會

復有百千天女所謂最上天女妙嚴
天女金帶天女莊嚴天女聞持天女
甘露月天女清淨身天女寶光天女
花身天女天面天女口演五樂音天
女悅樂天女金鬘天女青蓮華天女
宣法音天女妙樂天女樂生天女妙
嚴相天女嚴持天女布施天女潔已
天女如是諸天女等亦來集會
復有百千諸龍王女所謂妙嚴持龍

女母咎隣那龍女三髻龍女和容龍
女勝吉祥龍女電眼龍女電光龍女
妙山龍女百眷屬龍女大藥龍女月
光龍女一首龍女百臂龍女受持龍
女無煩惱龍女善莊嚴龍女白雲龍
女乘車龍女未來龍女多眷屬龍女
海腹龍女蓋面龍女法座龍女妙手
龍女海深龍女妙高吉祥龍女如是
諸龍女等亦來集會

復有百千彥達縛女所謂愛面彥達
縛女愛施彥達縛女無見彥達縛女
妙吉祥彥達縛女金剛鬘彥達縛女
妙鬘彥達縛女樹林彥達縛女百花
彥達縛女花敷彥達縛女寶鬘彥達
縛女妙腹彥達縛女吉祥王彥達縛
女鼓音彥達縛女妙莊嚴彥達縛女
豐禮彥達縛女法愛彥達縛女法施
彥達縛女青蓮華彥達縛女百手彥
達縛女蓮華吉祥彥達縛女大蓮華
彥達縛女體清淨彥達縛女自在行
彥達縛女施地彥達縛女施果彥達
縛女師子步彥達縛女狎母那花彥
達縛女妙意彥達縛女惠施彥達縛

女天語言彥達縛女愛忍辱彥達縛
女樂真寂彥達縛女寶牙彥達縛女
帝釋樂彥達縛女世主眷屬彥達縛
女鹿王彥達縛女變化吉祥彥達縛
女焰峯彥達縛女貪解脫彥達縛女
瞋解脫彥達縛女癡解脫彥達縛女
善知識眷屬彥達縛女寶座彥達縛
女往來彥達縛女火光彥達縛女月
光彥達縛女徧照眼彥達縛女金耀
彥達縛女樂善知識彥達縛女如是
等諸彥達縛女亦來集會

復有百千緊那囉女所謂一意緊那
囉女深意緊那囉女風行緊那囉女
水行緊那囉女乘空緊那囉女近疾
緊那囉女財施緊那囉女妙牙緊那
囉女無動吉祥緊那囉女染界緊那
囉女熾盛光徧緊那囉女妙吉祥緊
那囉女寶篋緊那囉女觀財緊那囉
女端嚴緊那囉女金剛面緊那囉女
金色緊那囉女殊妙莊嚴緊那囉女
廣額緊那囉女圍遶善知識緊那囉
女主世緊那囉女虛空護緊那囉女
莊嚴王緊那囉女珠髻緊那囉女抱

持珠緊那囉女明人圍遶緊那囉女
百名緊那囉女施壽緊那囉女護持
佛法緊那囉女法界護緊那囉女上
莊嚴緊那囉女刹那上緊那囉女未
法常持緊那囉女時常見緊那囉女
無畏緊那囉女趣解脫緊那囉女常
祕密緊那囉女駛惣持緊那囉女劍
光焰緊那囉女地行緊那囉女護天
主緊那囉女妙天主緊那囉女寶王
緊那囉女忍辱部緊那囉女行施緊
那囉女多住處緊那囉女持戰器緊
那囉女妙嚴緊那囉女妙意緊那囉
女如是等諸緊那囉女亦來集會
復有百千鄔波索迦鄔波斯迦亦來
集會及餘無數在家出家之衆百千
異見外道尼乾他等亦皆來於大集
會中

是時大阿鼻地獄出大光明其光徧
照祇陀林園其園悉皆變成清淨現
天摩尼寶莊嚴柱微妙圓滿現大樓
閣金寶校飾復現諸房現黃金房白
銀爲門現白銀房黃金爲門現金銀
間錯房金銀間錯以爲其門現金銀

大集莊嚴寶王經卷第一 第七張 杜

間錯寶莊嚴殿金銀間錯妙寶莊嚴
以爲其柱現黃金殿白銀爲柱現白
銀殿黃金爲柱或白銀殿天諸妙寶
以嚴其柱祇陀林樹上現種種天妙
衆寶而爲莊嚴復現黃金劫樹白銀
爲葉其樹上有種種莊嚴懸挂百種
上妙衣服嬌奢耶等復有百千真珠
瓔珞寶網羅上復有百千上妙寶冠
瑠璃縵帶玲瓏雜寶而嚴飾之復有
上妙雜華上妙卧具微妙寶篋以爲
嚴飾如是種種莊嚴劫樹出現其數
而有百千其祇陀林衆園門樓金剛
妙寶以爲塔陞其樓上有無數殊妙
繒綵真珠瓔珞如是莊嚴復有百千
上妙寶池八功德水充滿其中而有
上妙圓滿雜華所謂優鉢羅華矩母
那華奔拏哩迦華曼那囉華摩訶
曼那囉華優曇鉢羅華等盈滿池中
復有種種上妙華樹所謂瞻波迦華
樹迦羅尾羅華樹波叱囉華樹妙解
脫華樹香雨華樹妙意華樹有如是
等悅意華樹其祇樹園現如是等希
有淨妙莊嚴之相是時會中有除蓋

大集莊嚴寶王經卷第一 第八張 杜

障菩薩摩訶薩從座而起偏袒右肩
右膝著地合掌恭敬瞻仰尊顏而白
佛言希有世尊我今心中而有疑事
欲問如來唯願世尊聽我所問世尊
今於此處有大光明爲從何來以何
因緣而現如是希奇之相
尔時世尊告除蓋障菩薩言善男子
汝等諦聽吾當爲汝分別解說此大
光明是聖觀自在菩薩摩訶薩入大
阿鼻地獄之中爲欲救度一切受大
苦惱諸有情故救彼苦已復入大城
救度一切餓鬼之苦是時除蓋障菩
薩摩訶薩復白佛言世尊其大阿鼻
地獄周圍鐵城地復是鐵其城四周
無有間斷猛火煙焰恒時熾燃如是
惡趣地獄之中有大鑊湯其水涌沸
而有百千俱胝那庾多有情悉皆擲
入鑊湯之中譬如水鍋煎煮諸豆盛
沸之時或上或下而無間斷煮之糜
爛阿鼻地獄其中有情受如是苦世
尊聖觀自在菩薩摩訶薩以何方便
入於其中世尊復告除蓋障菩薩摩
訶薩言善男子由如轉輪聖王入天

大集莊嚴寶王經卷第一 第九張 杜

摩尼寶圓如是善男子聖觀自在菩薩摩訶薩入大阿鼻地獄之時其身不能有所障礙時阿鼻地獄一切苦具無能逼切菩薩之身其大地獄猛火悉滅成清涼地是時獄中閻魔獄卒心生驚疑未嘗有何故此中忽然變成如是非常之相是時觀自在菩薩摩訶薩入其獄中破彼鑊湯猛火悉滅其大火坑變成寶池池中蓮華大如車輪是時閻魔獄卒見是事已將諸治罰器杖刀劍鉞棒弓箭鐵輪三股叉等往詣閻魔天子到已白言大王決定能知我此業報之地以何事故悉皆滅盡時閻魔天子言云何汝所業報之地悉皆滅盡復白閻魔天子言彼大阿鼻地獄變成清涼如是事時有一色相端嚴之人踐躋頂戴天妙寶冠莊嚴其身入地獄中鑊湯破壞火坑成池池中蓮華大如車輪是時閻魔天子諦心思惟是何天人威力如是為大自在天為那羅延等到彼地獄變現如是不可思議為是大力十頭羅刹威神變化耶

大華嚴經疏卷第三 第十張 杜

時閻魔天子以天眼通觀此天上觀諸天已是時復觀阿鼻地獄見觀自在菩薩摩訶薩如是見已速疾往詣觀自在菩薩摩訶薩所到已頭面禮足發誠實言以偈讚曰

歸命蓮華王大悲觀自在大自在吉祥能施有情願具大威神力降伏極暴惡暗趣為明燈觀者皆無畏亦現百千臂其眼亦復然具足十一面智如四大海愛樂微妙法為救諸有情龜魚水族等最上智如山施寶濟群生最上大吉祥具福智莊嚴入於阿鼻地獄變成清涼地諸天皆供養頂禮施無畏說六波羅蜜恒燃法燈炬法眼逾日明端嚴妙色相身相如金山妙腹深法海真如意相應妙德口中現積集三摩地無數百千萬有無量快樂端嚴最上憐恐怖惡道中枷鎖得解脫施一切無畏眷屬眾圍遶所願皆如意如獲摩尼寶破壞餓鬼城開為寂靜道救度世間病如蓋覆於幢難陀跋難陀二龍為絡腋手執不空索現無數威德能破三界怖金剛手藥叉羅刹及步多尾多等挾你及與棋畔擊

大華嚴經疏卷第三 第十一張 杜

阿鉢婆摩羅悉皆懷恐怖優鉢羅華眼明主施無畏一切煩惱等種種皆解脫入於微塵數百千三摩地開示諸境界一切惡道中皆令得解脫成就菩提道是時閻魔天子種種讚歎供養觀自在菩薩摩訶薩已旋遶三匝却還本處

爾時除蓋障菩薩復白佛言世尊彼觀自在菩薩摩訶薩救是苦已還來於此會中耶

佛告除蓋障菩薩言善男子彼觀自在菩薩從大阿鼻地獄出已復入餓鬼大城其中有無數百千餓鬼口出火焰燒燃面目形體枯瘦頭髮蓬亂身毛皆豎腹大如山其咽如針是時觀自在菩薩摩訶薩往詣餓鬼大城其城熾燃業火悉滅變成清涼時有守門鬼將執熱鐵棒醜形巨質兩眼深赤發起慈心我今不能守護如是惡業之地是時觀自在菩薩摩訶薩起大悲心於十指端各各出河又於足指亦各出河一一毛孔皆出大河是諸餓鬼飲其中水飲是水時咽喉

大華嚴經疏卷第三 第十二張 杜

竟大身相圓滿復得種種上味飲食
悉皆飽滿此諸餓鬼既獲如是利益
安樂各各心中審諦思惟南瞻部洲
人何故常受清涼安隱快樂其中或
有善能常行恭敬孝養父母者或有
善能惠施遵奉善知識者或有聰慧
明達常好大乘者或有善能行八聖
道者或有善能擊法捷稚者或有善
能修破壞僧伽藍者或有善能修故
佛塔者或有善能修破壞塔相輪者
或有善能供養尊重法師者或有善
能見如來經行處者或有善能見菩
薩經行處者或有善能見辟支佛經
行處者或有善能見阿羅漢經行處
者作是思惟南瞻部洲有如是等修
行之事是時此大乘莊嚴寶王經中
自然出微妙聲是諸餓鬼得聞其聲
所執身見雖如山峯及諸煩惱金剛
智杵破壞無餘使得往生極樂世界
皆為菩薩名隨意口是時觀自在菩
薩摩訶薩救斯苦已又往他方諸世
界中救度有情是時除蓋障復白佛
言世尊觀自在菩薩摩訶薩來於此

大乘莊嚴寶王經卷第一 第三十

處救度有情耶世尊告言善男子是
觀自在菩薩救度無數百千俱胝那
度多有情恒無間息具大威力過於
如來除蓋障白言世尊觀自在菩薩
摩訶薩云何有如是大威神力
佛告善男子於過去劫有佛出世名
尾鈴尸如來應供正徧知明行足善
逝世間解無上士調御丈夫天人師
佛世尊我於是時於一長者家為子
名妙香口於彼佛所聞是觀自在菩
薩威神功德時除蓋障白言世尊所
聞觀自在菩薩摩訶薩威神功德其
事云何世尊告言觀自在菩薩於其
眼中而出日月額中出大自在天肩
出梵王天心出那羅延天牙出大辯
才天口出風天臍出地天腹出水天
觀自在身出生如是諸天時觀自在
菩薩告大自在天子言汝於未來未
法世時有情界中而有衆生執著邪
見皆謂汝於無始已來為大主宰而
能出生一切有情是時衆生失菩提
道愚癡迷惑作如是言
此虛空大身大地以為座境界及有情

大乘莊嚴寶王經卷第一 第三十一

皆從是身出
如是善男子我於尾鈴尸如來所聞
是已後復有佛出号式棄如來應供
正徧知明行足善逝世間解無上士
調御丈夫天人師佛世尊除蓋障我
於是時為勇施菩薩摩訶薩於彼佛
所聞觀自在菩薩摩訶薩威神功德
除蓋障言世尊所聞觀自在菩薩摩
訶薩威神功德其事云何佛言是時
式棄如來會中有一切天龍藥叉阿
蘇羅藥嚕拏摩護羅識人及非人悉
來集會時彼世尊於是衆中欲說法
時口放種種雜色光明所謂青色青
光黃色黃光赤色赤光白色白光紅
色紅光玻眈迦色玻眈迦光金色金
光其光徧照十方一切世界其光還
來遠佛三匝却入於口時彼會中有
寶手菩薩摩訶薩從座而起徧袒右
肩右膝著地合掌恭敬白世尊言何
因何緣出現斯瑞佛告善男子極樂
世界有觀自在菩薩摩訶薩欲來於
此故現斯瑞彼觀自在來此之時出
現種種劫樹華樹矩母那華樹瞻波

大乘莊嚴寶王經卷第一 第三十二

迦華樹復現雜華寶池樹雨種種妙華又雨諸寶摩尼真珠琉璃螺貝璧王珊瑚等寶又雨衣如雲而下彼時祇樹給孤獨園七寶出現所謂金輪寶象寶馬寶珠寶女寶主藏寶主兵寶如是七寶出現之時其地悉皆變成金色是時觀自在菩薩摩訶薩出彼極樂世界之時地六震動亦時寶手菩薩摩訶薩白世尊言以可因緣出現斯瑞

佛言善男子是觀自在菩薩摩訶薩欲來到此故現斯瑞是時又雨適意妙華及妙蓮華時觀自在菩薩手執金色光明千葉蓮華來詣佛所頂禮佛足持是蓮華奉上世尊此華是無量壽佛令我持來世尊受是蓮華致在左邊

佛告觀自在菩薩摩訶薩汝今現是神力功德莊嚴於意云何觀自在言我爲救度一切惡趣諸有情故所謂一切餓鬼阿鼻地獄黑繩地獄等活地獄燒燃地獄燒煨地獄鑊湯地獄寒冰地獄如是等大地獄中所有衆

生我皆救拔離諸惡趣當得阿耨多羅三藐三菩提是時觀自在菩薩如是說已頂禮佛足禮畢而去忽然不現由如火焰入於虛空

尔時寶手菩薩白言世尊我今有疑欲問如來願爲宣說觀自在菩薩有何福德而能現是神力佛言如苑伽河沙數如來應正等覺以天妙衣及以袈裟飲食湯藥坐卧具等供養如是諸佛所獲福德與觀自在菩薩一毛端福其量無異善男子又如四大洲於其一年十二月中於晝夜令恒降大雨我能數其一一滴數善男子觀自在菩薩所有福德而我不能說盡數量善男子又如大海深廣八萬四千踰繕那如是四大海水我能數其一一滴數善男子觀自在菩薩所有福德而我不能說盡數量善男子又如四大洲所有四足有情師子象馬虎狼熊鹿牛羊如是一切四足之類我悉能數一一身中有毛數善男子觀自在菩薩所有福德而我不能說盡數量善男子又如

迴之苦無貪瞋癡無老病死無飢饉苦不受胎胞生身之苦承法威力蓮華化生常居彼土候是觀自在菩薩摩訶薩救度一切有情皆得解脫堅固願滿是時寶手菩薩白世尊言此觀自在而於何時救度一切有情皆得解脫堅固願滿世尊告言有情無數常受生死輪迴無有休息是觀自在為欲救度如是有情證菩提道隨有情類現身說法應以佛身得度者即現佛身而為說法應以菩薩身得度者即現菩薩身而為說法應以緣覺身得度者即現緣覺身而為說法應以聲聞身得度者即現聲聞身而為說法應以大自在天身得度者即現大自在天身而為說法應以那羅延身得度者即現那羅延身而為說法應以梵王身得度者即現梵王身而為說法應以帝釋身得度者即現帝釋身而為說法應以日天子身得度者即現日天子身而為說法應以月天子身得度者即現月天子身而為說法應以火天身得度者即現

火天身而為說法應以水天身得度者即現水天身而為說法應以風天身得度者即現風天身而為說法應以龍身得度者即現龍身而為說法應以頻那夜迦身得度者即現頻那夜迦身而為說法應以藥叉身得度者即現藥叉身而為說法應以多聞天王身得度者即現多聞天王身而為說法應以人王身得度者即現人王身而為說法應以宰官身得度者即現宰官身而為說法應以父母身得度者即現父母身而為說法善男子觀自在菩薩摩訶薩隨彼有情應可度者如是現身而為說法救諸有情皆令當證如來涅槃之地是時寶手菩薩白世尊言我未曾見聞如是不可思議希有世尊觀自在菩薩摩訶薩有如是不可思議實未曾有佛告善男子此南瞻部洲有金剛窟彼有無數百千万俱胝那庾多阿蘇羅止在其中善男子觀自在菩薩摩訶薩現阿蘇羅身為是阿蘇羅說此大乘莊嚴寶王經阿蘇羅眾得聞是經

皆發慈善之心而以手掌捧觀自在菩薩摩訶薩足聽斯正法皆得安樂若人得聞如是經王而能讀誦是人若有五無間業皆得消除臨命終時有十二如來而來迎之告是人言善男子勿應恐怖汝既聞是大乘莊嚴寶王經示種種道往生極樂世界有微妙蓋天冠瑠璃上妙衣服現如是相命終決定往生極樂世界寶手觀自在菩薩摩訶薩當得涅槃之地是時寶手菩薩頭面著地禮世尊足禮已而退

佛說大乘莊嚴寶王經卷第一

甲辰歲高麗國大藏都監奉
勅雕造

大乘莊嚴寶王經卷第一

第三十張

松

佛說大乘莊嚴寶王經卷第二

杜

四念處經云：觀身不淨，觀受是苦，觀心無常，觀法無我。

於是式棄佛後有佛出世，號尾舍浮如來，應供正徧，知明行足，善逝世間解，無上士調御丈夫，天人師，佛世尊。除蓋障我，於是時為忍辱仙人住處，深山其間，礪确嶽，峯無人能到，久住其中。是時我於彼如來處，聞是觀自在菩薩摩訶薩，威神功德，是觀自在入於金地，現身為彼覆面，有情而說妙法。示八聖道，皆令當得涅槃之地。出此金地，又入銀地，是處有情而皆四足止住。其中觀自在菩薩摩訶薩，救彼有情而為說法。汝應諦聽，如是正法，當須發心審諦思惟。我今示汝涅槃資糧，是諸有情於觀自在前，立白菩薩言：無眼有情，救為開明，令見其道，無恃怙者，為作父母，令得恃怙。黑闇道中，為燃明炬，開示解脫正道。有情若念菩薩名，而得安樂，我等常受如是苦難。是時此等一切有情，聞大乘莊嚴寶王經，得聞是已，皆得

安樂，獲不退地。是時觀自在菩薩摩訶薩，出於是中，又入鐵地。而於是處，禁大力阿蘇囉王菩薩，往是處時，現身如佛。是時大力阿蘇囉王，速來近，是觀自在菩薩摩訶薩，阿蘇囉王宮中有無數眷屬，其中多是背偃姓，如是眷屬皆來親觀禮，觀自在菩薩摩訶薩，足而說偈曰：

我今生得果，所願悉圓滿，如意之所希，斯是我正見。

既得見於菩薩我，及諸眷屬，皆得安樂。於是以寶座獻觀自在菩薩，恭敬合掌，白言：我等眷屬從昔已來，好樂邪淫，常懷瞋怒，受致生命，造是罪業。我心憂愁，恐怖老死輪迴，受諸苦惱。無主無依，垂墜救度，為說開解禁縛之道。觀自在言：善男子，如來應正等覺，常行九食，若能施食，所獲福德，說無有盡。善男子，非唯我身在阿蘇囉，密說不能盡。乃至如十二殍伽河沙數，如來應正等覺，俱在一處，而亦不能說盡。如是福德數量，善男子，所有微塵，我能數其如是數量。善男子，施

大乘莊嚴寶王經卷第二 第二品 杜

如來食所獲福德，而我不能說盡。數量善男子，又如大海，我能數其一一滴數。善男子，施如來食，所獲福德，而我不能說盡。數量善男子，又如四大洲所有男子、女人、童子、童女，悉皆田種，滿四大洲，不植餘物，唯種芥子。龍順時序降澍雨，澤芥子成熟，於一洲內，以為其場治踐，俱畢，都成大聚。善男子，如是我能數盡一一粒數。善男子，施如來食，所獲福德，而我不能說盡。數量善男子，又如妙高山王，入水八万四千踰繕那，出水八万四千踰繕那。善男子，如是山王，以為帝釋以大海水充滿其中，皆為墨汁，以四大洲所有一切男子、女人、童子、童女，悉皆書寫妙高山量，所積帝聚，書盡無餘。如是我能數其一一字數。善男子，施如來食，所獲福德，而我不能說盡。數量善男子，如是一切書寫之人，皆得十地菩薩之位。如是菩薩所有福德，與施如來一食福德，其量無異。善男子，又如殍伽河沙數大海之中，所有沙數，我能數其一一沙數。善男子，

大乘莊嚴寶王經卷第二 第三品 杜

施如來食所獲福德而我不能說盡
數量是時大力阿蘇囉王聞說是事
涕淚悲泣盈流面目心懷懊惱哽噎
吁嗟自觀自在菩薩摩訶薩言我於
往昔而行布施所施之境垢黑非法
由斯施故我今并諸眷屬及受禁縛
在於惡趣受斯業報於今何故持少
分食奉施如來變成甘露我從昔來
愚癡無智習行外道婆羅門法時有
一人身形矬陋來於我所求乞所須
我當具辦種種寶冠金銀耳鐸上妙
衣服寶莊嚴具闍伽器等復有百千
象馬寶車真珠瓔珞寶網莊嚴懸衆
妙纓而於飾之種種寶蓋寶網繞羅
張施其上繫諸寶鈴震響丁丁復有
一千黃牛毛色姝好白銀嚴蹄黃金
飾角又以真珠雜寶而為莊校復有
一千童女形體姝妙容白端嚴狀如
天女首飾天冠金寶珥璫種種妙衣
間廁寶帶指鐲寶釧瓔珞玲瓏微妙
華鬘如是種種嚴飾其身復有無數
百千雜寶之座復有金銀雜寶積聚
無數又有群牛數百千及牧放人

又有無數如天上味香美飲食又有
無數寶鈴無數金銀師子之座無數
金柄妙拂無數七寶莊嚴嚴蓋辦具
如是種種作大施時而有百千小王
皆來集會百千婆羅門亦皆來集無
數百千刹帝利衆亦來集會時我
見已心懷疑怖當於是時唯我最尊
具大勢力統領大地我依婆羅門法
專為懺悔宿世惡業而欲煞諸刹帝
利等及諸妻子眷屬取其心肝割割
祀天覲其罪滅是時百千刹帝利
小王我以枷鎖禁在銅窟及無數百
千邊地之人悉皆禁是窟中而以鐵
枷上安鐵索繫縛諸刹帝利手足時
我於窟造立其門以之常木為第一
重門以佉你囉木為第二重門復用
其鐵為第三重門又以熟銅為第四
重門又以生銅為第五重門又以白
銀為第六重門又以黃金為第七重
門如是七重門上各以五百關鎖而
牢固之又於一一門上各置一山是
時有那羅延天忽於一日現身為
蠅而來探現又於一日而現蜂形又

於一日而現猪身又於一日現非人
相如是日日身相變異而相探覷我
時心中思惟作是婆羅門法那羅延
天見作斯法來於銅窟而相破壞去
除門上七山一一弄擲與處高聲喚
彼所禁人言無勝天子等汝身受大
苦惱汝等身命為存活耶為當已死
此諸人等聞其喚問隨聲應言我命
今在那羅延天尊大力精進救我苦
難其天便乃破壞銅窟七重之門時
諸小王在於窟內得脫繫縛之難而
見那羅延天是時各各心中思惟其
大力阿蘇囉王為已死耶為復而今
死時方至刹帝利等又作是言我寧
與彼鬪敵相煞死而有地不應受此
禁縛而令我死我今當依刹帝利法
與彼戰鬪相煞設死其地而得生天
時諸小王各於自舍排駕車乘鞍勒
鞍馬執持器仗欲大戰鬪時那羅延
天現婆羅門其身矬陋著以鹿皮而
為絡腋手中執持三歧拄杖所坐之
物隨身持行來至我門時守門者告
於彼言不應入此門內汝矬陋人止

勿入中婆羅門言我今自遠而來到此守門者問婆羅門言汝從何來婆羅門曰我是月氏國王處大仙人也從彼而來時守門者往大力阿蘇羅王所自言今有婆羅門其身姓陋而來到此大力阿蘇羅王言是人今來何所須耶守門人言我今不知所須大力阿蘇羅王告言汝去喚婆羅門來守門之人既奉教勅遂喚婆羅門入於其中大力阿蘇羅王見已與寶座令坐大力阿蘇羅王師奉所事金星先已在中告大力阿蘇羅王言今此婆羅門是其惡人而來到此決定破壞於汝師今何故而能知耶告言我今知此所現之身知是云何此是那羅延天既聞此已心即思惟我行惠施而無反覆今來障難破壞於我大力阿蘇羅王言我口辯才當須問是婆羅門言今來我所於意云何婆羅門曰我從於王乞地兩步阿蘇羅王告婆羅門言卿所須地而言兩步我當與卿其地三步先以金瓶授與淨水告言須地卿當受取婆羅

大佛藏經卷第三 第七經

門受已而呪願曰安樂長壽時婆羅門姓陋之身隱而不現今時金星告阿蘇羅王言汝今當受惡業果報時那羅延天忽然現身於兩肩上荷負日月手執利劍輪棒弓箭如是器仗時大力阿蘇羅王忽然見已惶惶戰慄其身躡仆迷悶躡地良久而起今當云何我寧服其毒藥而死耶是時那羅延天步量其地只及兩步更無有餘不逾三步違先所許我今云何那羅延王言今應當隨我所教時大力阿蘇羅王自言我如所教那羅延曰汝實余耶大力阿蘇羅王言我實如是此言誠諦心無悔悵是時我依婆羅門教作法之處悉皆破壞所有金銀珍寶莊嚴童女衣服寶鈴繖蓋妙拂師子寶座寶嚴黃牛及諸寶莊嚴具時諸小王眾等悉皆受之便乃出是大力阿蘇羅王作法之地大力阿蘇羅王自觀自在菩薩摩訶薩言我今身心思惟為於往昔依婆羅門法而設廣大布施之會所施之境垢黑不淨我今并諸眷屬是以禁縛在

大佛藏經卷第三 第八經

斯鐵窟受大苦惱觀自在我今歸依願垂哀愍救脫我等如是苦難而讚歎曰

歸命大悲蓮華手 大蓮華王太吉祥
種種莊嚴妙色身 首髻天冠嚴眾寶
頂戴弥陀一切智 救度有情而無數
病苦之人求安樂 菩薩現身作醫王
大地為眼明踰日 最上清淨微妙眼
照曜有情得解脫 得解脫已妙相應
猶如如意摩尼寶 能護真實妙法藏
而恒說六波羅蜜 稱揚斯法具大智
我今虔懇至歸依 讚歎大悲觀自在
有情憶念菩薩名 離苦解脫獲安隱
作惡業故墮黑繩 及大阿鼻地獄道
諸有餓鬼苦趣者 稱名恐怖皆解脫
如是惡道諸有情 悉皆離苦得安樂
若人恒念大士名 當得往生極樂界
面見如來無量壽 聽聞妙法證無生
是時觀自在菩薩摩訶薩與大力阿蘇羅王授其記別汝於當來得成為佛
佛號曰吉祥如來應供正徧知明行足善逝世間解無上士調御丈夫天人師佛世尊汝於是時當證六字大

大佛藏經卷第三 第九經

明惣持之門今此一切阿蘇囉王汝於當來悉皆救度如是佛刹一切有情而不聞有貪瞋癡聲時大力阿蘇囉王聞斯授記即以價直百千真珠璣珞復以種種妙寶莊嚴百千萬數天冠珥璫持以奉上願垂納受尔時觀自在菩薩摩訶薩告大力阿蘇囉王言我今為汝說法應當諦聽汝應思惟乃至於人無常幻化命難久保汝等而常心中思惟貪愛具大福德心常愛樂奴婢人民乃至繫麥倉庫及大伏藏心常愛樂父母妻子及諸眷屬如是等物雖恒愛樂如夢所見臨命終時無能相救得不命終此南瞻部洲由是顛倒命終之後見大奈河膿血盈流又見大樹猛火熾燃見斯事已心生驚怖是時閻魔獄卒以繩繫縛急急牽挽走復鋒刃大路舉足下足刻割傷截而有無數鳥就羅囉囉鳥及獬狗等而啖食之於大地獄受其極苦所履鋒刃大路之中復有大刺長十六指隨一一步有五百刺刺入脚中悲啼號哭而言我等有

大華嚴經卷第二 第十一

情皆為愛造罪業今受大苦我今云何時閻魔獄卒告言汝從昔來未曾以食施諸沙門亦未曾聞法捷稚聲未曾旋遠塔像時諸罪人告閻魔獄卒言我為罪障於佛法僧不解信敬而恒遠離獄卒告言汝以自造種種惡業今受苦報獄卒於是將諸罪人往閻魔王所到已立在面前時閻魔王言汝去往於業報之處是時閻魔獄卒驅領罪人往黑繩大地獄所到已於是諸罪人一一拋擲入地獄中既擲入已一一罪人各有百槍攢刺其身其命皆不死次有二百大槍俱攢刺其身其命亦活後有三百大槍一時攢刺其身其命亦不死命既生活是時而又擲之入大火坑命亦不死而於是時以熱鐵丸入在口中令吞咽之脣齒斷嚼及其咽喉悉燒爛壞心藏腸肚煎煮沸然徧身燒壞告大力阿蘇囉王言受斯苦時而無一人能相救者汝當知之我今為汝說如是法汝等應當躬自作福時觀自在菩薩摩訶薩告大力阿蘇囉王言我今欲往

大華嚴經卷第二 第十二

祇樹林園彼於今日大眾集會是時觀自在菩薩放無數雜色光明所謂青色光明黃色光明紅色光明白色光明玻眈迦色光明金色光明等如是光明往尾舍浮如來前時有天龍藥叉囉刹娑緊那囉摩護囉識并諸人等悉皆集會復有無數菩薩摩訶薩亦皆集會於是眾中有一菩薩名虛空藏從坐而起整衣服偏袒右肩右膝著地恭敬合掌向佛而白佛言世尊今此光明為何來佛告善男子今此光明是觀自在菩薩在大力阿蘇囉王宮中放斯光明而來至此時虛空藏菩薩白世尊言我今以何方便而能見彼觀自在菩薩佛告善男子彼菩薩亦當來此觀自在菩薩出大力阿蘇囉王宮時祇施林園忽然而有天妙華樹天劫波樹而有無數諸天鮮妙雜色莊嚴上懸百種真珠璣珞又懸幡尸迦衣及餘種種衣服樹身枝條其色深紅金銀為葉復有無數微妙香樹殊妙華樹無數寶池有百千萬雜色妙花充滿其中出

大華嚴經卷第二 第十三

現如是時虛空藏菩薩白世尊言彼觀自在菩薩於今何故而未來耶佛告善男子彼觀自在菩薩從大力阿蘇羅王宮出已而有一處名曰黑暗無人能到善男子彼黑暗處日月光明之所不照有如意寶名曰隨願而於恒時發光明照彼有無數百千萬藥又止住其中於時見觀自在菩薩入於其中心懷歡喜踴躍奔馳而來迎逆觀自在菩薩頭面禮足而問許言菩薩子今無疲勞耶久不來此黑暗之地觀自在菩薩言我為救度諸有情故時彼藥叉羅刹以天金寶師子之座而請就坐於是菩薩為彼藥叉羅刹說法汝當諦聽有大乘經名莊嚴寶王若有得聞一四句偈而能受持讀誦解說其義心常思惟所獲福德無有限量善男子所有微塵我能數其如是數量善男子若有於此大乘莊嚴寶王經而能受持一四句偈所獲福德而我不能數其數量若以大海所有之水我能數其一二滴數若於此經有能受持一四句偈

所獲福德而我不能數其數量假使十二殞伽河沙數如來應正等覺經十二劫俱在一處恒以衣服飲食卧具湯藥及餘資具奉施供養如是諸佛而亦不能說盡如是福德數量非唯於我在黑暗處說不能盡善男子又如四大洲人各各以自所居舍宅造立精舍而於其中以天金寶造千宰堵波而於一日悉皆成就種種供養所獲福德不如於此經中而能受持一四句偈所獲福德善男子如五大河入於大海如是流行無有窮盡若有能持此大乘經四句偈者所獲福德流行亦復無盡時彼藥叉羅刹白觀自在菩薩言若有有情而能書寫此大乘經所獲福德其量云何善男子所獲福德無有邊際若人有能書寫此經則同書寫八万四千法藏而無有異是人當得轉輪聖王統四大洲威德自在面貌端嚴千子圍繞一切他敵自然臣伏若有人能常時但念此經名号是人速得解脫輪迴之苦遠離老死憂悲苦惱是人於後

所生之處能憶宿命其身常有牛頭旃檀之香口中常出青蓮花香身相圓滿具大勢力說是法時彼諸藥叉羅刹有得預流果者其中或有得一來果者作如是言唯願菩薩且住於此勿往餘處我今於此黑暗之地以天金寶造宰堵波又以金寶造經行處是時觀自在菩薩摩訶薩告言我為救度無數有情皆令當得菩提道故欲往餘處時諸藥叉羅刹各各低頭以手搗額徘徊意緒而思惟之作如是言今觀自在菩薩摩訶薩捨此而去於後誰能為於我等說微妙法觀自在菩薩摩訶薩於是而去彼諸藥叉羅刹悉皆隨侍而送觀自在菩薩摩訶薩告言汝等而來已遠應還所住時諸藥叉羅刹頭面著地禮觀自在菩薩摩訶薩足已還歸本處時觀自在菩薩摩訶薩猶如火焰上昇虛空而生天宮到彼天上現婆羅門身彼天眾中有一天子名妙嚴耳而常貧窮受斯苦報時觀自在菩薩所現婆羅門身詣彼天子所到已告言

我患飢餒而復困渴時彼天子垂泣而告婆羅門言我今貧匱無物所奉婆羅門言我切所須必應相饋乃至少分時彼天子俛仰入宮覓求所有忽然見其諸大寶器復盛異寶盈滿其中復有寶器滿中而盛上味飲食又有嚴身上妙衣服盈滿宮中時彼天子心懷思惟今此門外婆羅門決定是其不可思議之人令我得是殊常之福於是請彼大婆羅門入其宮中持天妙寶及天上味飲食以奉供養受斯供已而呪願言安樂長壽時彼天子白婆羅門言賢者為從何方而來到此婆羅門言我從祇陀樹林大精舍中於彼而來天子問言彼地云何婆羅門告言彼祇陀林精舍之中其地清淨出現天摩尼寶莊嚴劫樹又現種種適意摩尼之寶又現種種寶池又有戒德威嚴具大智慧無數大眾出現其中彼有佛号尾舍浮如來於是聖天所住之地有如是變化出現之事時彼天子白言賢者云何大婆羅門宜誠諦說為是天耶為

大藥莊嚴寶王經卷第二 第十六 疏

是人耶賢者于今云何出現斯瑞時婆羅門言我非是天亦非是人我是菩薩為欲救度一切有情皆令得見大菩提道於是天子既聞斯已即以天妙寶冠莊嚴瑠璃持奉供養而說偈言
我遇功德地 遠離諸罪垢 如今種勝田 現獲於果報

於是天子說斯偈時彼婆羅門化度事訖而出天宮即時而往師子國內到已於諸羅刹女前當面而立其所現身相自端嚴殊色希奇諸羅刹女見斯容質而起慈心既懷欣慕於是移步親近而告彼言可為我夫我是童女未經適娉願為我夫今既來此勿復餘去如人無主而能為主又如閻室為燃明炬我今此有飲食衣服庫藏豐盈及有適意果園悅意水池告羅刹女言汝今應當聽我所說羅刹女言唯然願聞旨諭云何我今為汝說八正道法又為說四聖諦法時羅刹女得聞是法各獲果證有得預流果者或得一來果者無貪瞋癡苦

大藥莊嚴寶王經卷第二 第十七 疏

不起惡心無煞命意其心樂法樂住於戒作如是言我從今已去而不煞生如南瞻部洲奉戒之人清淨飲食如是活命我自于今活命亦尔於是羅刹女不造惡業受持學處觀自在菩薩摩訶薩出師子國而往波羅奈大城穢惡之處彼有無數百千萬類蟲蛆之屬依止而往觀自在菩薩為欲救度彼有情故遂現蜂形而往於彼口中出聲作如是云曩謨沒馱野彼諸蟲類隨其所聞而皆稱念亦復如是由斯力故彼類有情所執身見雖如山峯及諸隨惑金剛智杵一切破壞便得往生極樂世界皆為菩薩同名妙香口於是救度彼有情已出波羅奈大城而往摩伽陀國時彼國中值天亢旱滿二十歲見彼眾人及諸有情飢饉苦惱之所逼切悉皆互相食取身肉是時觀自在菩薩心懷思惟以何方便救此有情時觀自在菩薩種種降雨先降雨澤鮮息枯涸然後復雨種種之器各各滿中而盛味中上味飲食時彼眾人皆得如是

大藥莊嚴寶王經卷第二 第十八 疏

飲食飽滿是時又雨資糧粟豆等物於是彼諸人等所須之物隨意滿足時摩伽陀國一切人民心懷驚愕未會有時衆於是集在一處既俱集已各作是言于今云何天之威力致如是耶於彼衆中而有一人耆年老大其身偃偻而策其杖此人壽命無數百千告衆人言此非是天之威力今此所現定是觀自在菩薩威德神力之所發現衆人問言彼觀自在菩薩何故而能出現斯瑞者舊於是即說彼聖觀自在功德神力爲盲冥者而爲明燈陽焰熾盛爲作蔭覆渴乏之者爲現河流於恐畏處施令無畏病苦所惱而爲醫藥受苦有情爲作父母阿鼻地獄其中有情令見涅槃之道能令世間一切有情得是功德利益安樂若復有人念是觀自在菩薩名者是人當來遠離一切輪迴之苦衆人聞已成稱善哉若有人能於觀自在像前建立四方曼拏羅常以香華供養觀自在菩薩者是人當來而得轉輪聖王七寶具足所謂金輪

大華嚴經卷第三 第十九 佛說

佛說大華嚴經卷第三

寶象寶馬寶珠寶女寶主藏寶主兵寶得如是七寶若復有人能以一華供養觀自在菩薩者是人當得身出妙香隨所生處而得身相圓滿於是者舊說觀自在菩薩功德神力已時諸人衆各各還歸所住耆舊之人既說法已迴還亦亦是時觀自在菩薩上昇虛空於是思惟我久不見尾舍浮如來而今應當往到祇陀樹林精舍之中見彼世尊是時觀自在菩薩即往到彼精舍見有無數百千万天龍藥叉彥達縛阿蘇羅藥叉等緊那羅摩護羅識人及非人復有無數百千万菩薩悉皆集會是時虛空藏菩薩白佛言世尊今此來者是何菩薩佛告善男子是觀自在菩薩摩訶薩時虛空藏菩薩默然而住於是觀自在菩薩遠佛三面却坐左邊世尊於是而慰問言汝無疲勞耶善男子汝於餘處所爲化事而云何耶觀自在於是即說昔所化事我已救度如是如是有情時虛空藏菩薩聞已心中恠未曾有今我見此觀自在而爲善

大華嚴經卷第三 第二十 佛說

薩乃能救度如是國土有情得見如來如是國土有情而爲菩薩是時虛空藏菩薩於觀自在前立而問評於觀自在菩薩言如是化度得無疲勞耶觀自在言我無疲勞而問評已默然而住

今時世尊告善男子言汝等諦聽我今爲汝說六波羅蜜多法善男子若爲菩薩應先修行布施波羅蜜多然後修行如是持戒忍辱精進靜慮般若波羅蜜多如是而得圓滿具足說斯法已默然而住時彼衆會各各而退還歸本處彼菩薩衆而亦退還本佛刹土

大華嚴經卷第三

甲辰歲高麗國大藏都監奉勅雕造

大華嚴經卷第三 第二十 佛說

佛說大華嚴經卷第三

杜

今時除蓋障菩薩白世尊言觀自在菩薩摩訶薩往昔之事已聞佛說彼菩薩有何三摩地門唯願世尊爲我宣說

佛告善男子其三摩地門所謂有相三摩地無相三摩地金剛生三摩地日光明三摩地廣博三摩地莊嚴三摩地旌旗三摩地作莊嚴三摩地莊嚴王三摩地照十方三摩地妙眼如意三摩地持法三摩地妙最勝三摩地施受三摩地金剛幢三摩地觀察一切世界三摩地樂善逝三摩地神通業三摩地佛頂輪三摩地妙眼月三摩地了多眷屬三摩地天眼三摩地明照劫三摩地變現見三摩地蓮華上三摩地上王三摩地清淨阿鼻三摩地信相三摩地天輪三摩地灑甘露三摩地輪光明三摩地海深三摩地多宮三摩地迦陵頻伽聲三摩地青蓮華香三摩地運載三摩地金

剛鑽三摩地除煩惱三摩地師子步三摩地無上三摩地降伏三摩地妙目三摩地光曜三摩地百光明三摩地光熾盛三摩地光明業三摩地妙相三摩地勸阿蘇囉三摩地宮殿三摩地現圓寂三摩地大燈明三摩地燈明王三摩地救輪迴三摩地文字用三摩地天現前三摩地相應業三摩地見真如三摩地電光三摩地龍嚴三摩地師子頻伸三摩地莎底面三摩地往復三摩地覺悟變三摩地念根增長三摩地無相解脫三摩地最勝三摩地開導三摩地善男子觀自在菩薩摩訶薩非唯有是三摩地而於一一毛孔具百千萬三摩地善男子觀自在菩薩摩訶薩位居菩薩功德如是乃至諸佛如來歎未曾有如是功德善男子我於往昔爲菩薩時與五百寶人欲往師子國中將諸車乘駝牛等求其財寶即發往彼道路經歷村營城邑聚落之處相次至於海濱欲承大舶於是俱昇舶內我當問於舶主言汝應看其風信從

大華嚴經卷第三 第三十

何而起往何國土爲往寶洲爲闍婆國羅刹國耶於是舶主瞻其風信作如是言而今此風宜往師子國去是時承風駕放往師子國於彼國中有五百羅刹女忽然變發劇暴大風鼓浪漂激其舶破壞時諸寶人感墮水中漂蕩其身浮及海濱至於岸上彼五百羅刹女見諸寶人各各搖動其身出於惡聲現童女相來寶人所各以衣服與諸寶人於是著彼衣服撥自濕衣曝之令乾而離彼處即往瞻波迦樹下憩歇歇已互相謂言我今云何作何方便無復方計說已默然是時彼羅刹女又來於寶人前作如是言我無夫主可與於我而爲夫耶於此我有飲食衣服庫藏園林浴池時彼羅刹女各各將一寶人歸自所居於是羅刹女中而有一女爲大主宰名囉底迦覽彼女與我相將歸彼所居彼女而以上味飲食供給於我豐足飽滿我當快樂無異人間於彼止宿經停二三十日忽然見彼囉底迦覽欣然而笑我時心生疑恠未曾

大華嚴經卷第三 第三十一

見聞彼羅刹女作如是笑時我問言
汝今何故作是笑耶羅刹女言此師
子國羅刹女所住之地恐傷汝命於
是我問汝何故知耶羅刹女言勿履
南路而去何以故彼有鐵城上下周
圍而無門戶其中而有無數賣人其
中多已被彼食噉唯餘骸骨彼今見
有活者死者恐不相信但依此路而
去到彼自當信我是時我伺彼女昏
沉睡眠於是菩薩向夜分時持月光
劍往於南路而行到彼鐵城周匝而
看一無門戶亦無窓牖彼鐵城邊有
一瞻波迦樹攀昇樹上我時高聲喚
問時鐵城內賣人告於我言賢大賣
王而還知不我等被羅刹女致在鐵
城而於日日食噉百人彼等具說昔
時事已於是我下瞻波迦樹却依南
路急速還彼羅刹女處是時彼女而
問我言賢大賣主所說鐵城還當見
不今應實說我言已見於是又問彼
女以何方便令我得出於此彼羅刹
女而告我言而今有大方便可令於
汝安隱善出此師子國却還於彼南

大樂莊嚴寶王經卷第三 第四分 杜

瞻部洲我見是說復問彼女令我於
何道路出此國耶時羅底迦覽告於
我言有聖馬王而能救度一切有情
我當尋時往彼聖馬王所食白藥草
食已於金沙地驟已而起振擺身毛
作如是已而作是言何人而欲達於
彼岸三復告言若欲去者當自言說
於是我告聖馬王言我於今者欲往
彼去如是說已而復到彼羅刹女處
同共止宿彼羅刹女睡眠覺已心生
追悔而問我言賣主汝身何故令耶
於是知我知彼意不令我去遂以方便
告於彼女我於向者暫出城外便利
而迴故我身今彼女告於我言應却
睡眠至於日出我時方起遂乃喚諸
賣人告言而今宜應出於此城時諸
賣人皆出城已俱在一處而歇共相
謂言今此眾中何人之妻最相戀慕
有何所見其事云何時眾人中有言
彼以上味飲食供給於我或有說言
彼以種種衣服與我或有說言彼以
天冠瓊瑤衣服與我或有說言我無
所得唯不稱心或有說言彼以種種

大樂莊嚴寶王經卷第三 第五分 杜

龍麝梅檀之香與我時諸賣人作是
說已我當告言汝難解脫何故貪愛
此羅刹女耶眾賣人聞心懷怖畏而
問言大賣主寶如是耶我乃告言此
師子國羅刹女所住非是人耳此實
是羅刹女作是誓言佛法僧等可知
此羅刹女也時諸賣主聞已告於我
言以何方便得免此難於是我告彼
言此師子國有聖馬王能救一切有
情彼食大白藥草於金沙驟而起振
擺身已三復言云誰人欲往彼岸我
已告彼馬王言我今欲往彼岸時諸
賣人復告我言何日去耶我告眾言
却後三日決定而去眾人宜應備辦
資糧作是語已眾還入城各各往本
羅刹女舍其女見來相問詳言今疲
勞耶我當問彼羅刹女我未曾見汝
悅意園林浴池為實有耶時彼羅刹
女告我言大賣主此師子國有種種
適意園林浴池告彼女言與我如法
辦具資糧我候三日欲往遊觀種種
園林池沼看彼名花我當將種種華
而來歸家時羅刹女告我言大賣主

大樂莊嚴寶王經卷第三 第六分 杜

我爲辦具資糧是時恐彼羅刹女知我方計必當煞我如是思惟默然而往彼羅刹女以好飲食與我令喫食已吁歎彼女問言大寶主何故如是而吁歎耶是時我告彼女我本南瞻部洲人思自本地彼女告我言大寶主勿思本地此師子國有種種飲食衣服庫藏種種適意園林浴池受種種快樂云何思彼南瞻部洲我時默然而住過是日已至第二日彼女與我辦具飲食資糧彼諸寶人悉皆辦具資糧候第三日日出時皆出彼城出已共相議言我等今者當宜速去不應迴顧師子國矣作是語已我與彼衆即時速疾而往於聖馬王所到已見彼馬王喫草驤已振擺身毛是時師子國地皆震動馬王三復言云今者何人欲往彼岸時諸寶人作如是言我等今者欲往彼岸時聖馬王奮迅其身而作是言汝等宜應前進勿應迴顧師子國也彼聖馬王如是說已是時我乃先乘馬王然後五百寶人俱昇馬上時彼師子國中諸

大無莊嚴寶王經卷第三 第七頌 終

羅刹女忽聞諸寶人去口出苦切之聲即駛奔馳逐逐悲啼啼哭叫呼隨後時諸寶人間是聲已迴首顧眄不覺閃閃其身入於水中於是諸羅刹女取彼身肉而散食之是時唯我一往於南瞻部洲彼聖馬王屈海岸所我當下已而乃旋遶彼聖馬王三匝畢已即離彼處尋路而行往於本地歸自所居到其家已是時父母見我來歸抱捉其子欣喜復悲涕泣流淚父母先爲我故涕泣恒時其眼昏瞶因茲除愈明淨如故是時父母與子共在一處我乃具述前所經歷艱苦之事父母聞已告於我言汝於今日得全其命安隱而歸甚適我懷無復憂慮我不須汝所盈財寶今緣自知年耄衰朽須汝佐輔出入扶持我當死至汝爲主者送葬我身昔時父母而作如是善言慰諭於我除蓋障我於是時身爲寶主受如是危難苦惱之事

大無莊嚴寶王經卷第三 第八頌 終

畏中救濟於我除蓋障我今不能廣說是觀自在菩薩摩訶薩功德數量我今爲汝略說是觀自在身毛孔中所有功德除蓋障觀自在菩薩身有金毛孔而於其中有無數百千萬俱胝那庾多彥達縛彼等無輪迴苦而常受於最勝快樂天物受用無有窮盡無有惡心無憎嫉心無貪瞋癡常行八聖道恒受法樂除蓋障於是金毛孔中復有放光如意寶珠隨彼彥達縛衆思念所須隨意滿足於是金毛孔中有斯出現復有黑毛孔而於其中有無數百千萬俱胝那庾多具通神仙之人其中有具一神通者或有具二三四五神通之者亦有具足六神通者於是毛孔之中復現銀地黃金爲山白銀爲峯三十七愛染蓮華寶莊嚴其山於其山中而有八萬四千神仙之衆如是仙衆出現劫樹深紅爲身黃金白銀以爲枝葉放寶光明又於一一毛孔現四寶池八功德水充滿其中而有妙華盈滿池中於池岸側有天妙香樹栴檀香樹又

大無莊嚴寶王經卷第三 第九頌 終

有莊嚴劫樹上懸莊嚴天冠瑠璃復有殊妙瓔珞而嚴飾之又於其上懸衆寶鈴又挂妙衣憍尸迦服於斯一切樹之下各有一百彥達縛王而於恒時奏諸音樂復有群鹿羽族衆禽聞斯樂音悉皆思惟諸有情類多受輪迴之苦何故南瞻部洲人見受生老病死受別離等如是諸苦此諸禽鳥鹿等於是思惟此大乘莊嚴寶王經如是之名於是而有天妙上味飲食天諸妙香天妙衣服等物隨彼所思如意滿足是時除蓋障菩薩白世尊言我今聞是甚爲希有世尊佛告善男子於意云何除蓋障菩薩白世尊言如有有情心唯思念此經名号尚獲如是利益安樂若復有人得聞此經而能書寫受持讀誦供養恭敬如是之人常得安樂或復有人於此經中書寫一字斯人當來不受輪迴之苦而永不於屠見魁膾下賤之類如是家生所生之身而永不受背偃摩躰醜屑皺漏疥癩等病不可喜相獲得身相圓滿諸根具足有大力

勢何況具足受持讀誦書寫供養恭敬之人所獲功德

今時世尊讚言善哉善哉除蓋障汝今善說如是之法今此會中無數百千万天龍藥叉彥達縛阿蘇羅藥摩拏緊那囉摩護囉識人及非人耶波索迦耶波斯計如是等衆皆悉聞汝說如是法得聞斯之廣博法門由汝所問時除蓋障菩薩白世尊言世尊於今說斯妙法天人衆等生信堅固是時世尊讚言善哉善哉善男子汝能如是重複問是觀自在身毛孔中所現功德除蓋障彼復有寶莊嚴毛孔是有無數百千万俱胝那庾多彥達縛女面貌端嚴形體殊妙種種莊嚴如是色相狀如天女彼衆貪瞋癡苦皆不能侵於彼身分而亦不受人間少分苦惱之事彼彥達縛女而於三時念是觀自在菩薩摩訶薩名号而於是時彼等獲得一切所須之物是時除蓋障菩薩白佛言世尊我欲入彼毛孔之中看其所有佛告善男子彼之毛孔無有邊際如

虛空界亦無障礙善男子如是毛孔無障無礙亦無觸惱彼毛孔中普賢菩薩摩訶薩入於其中行十二年不得邊際見諸毛孔一一之中各有佛部於彼而住是故普賢不能見其邊際近遠餘諸菩薩云何而得見彼邊際耶時除蓋障菩薩白佛言世尊普賢菩薩摩訶薩於彼毛孔行十二年不能見其邊際而諸毛孔各有百佛在於其中普賢菩薩摩訶薩尚不能得見於邊際我今云何而得入於是中耶佛告善男子我亦不見如是微妙寂靜彼無相故而現大身具十一面而百千眼圓滿廣大得相應地湛然寂靜大智無得無有輪迴不見救度亦無種族無有智慧亦無有說如是諸法如影響故善男子觀自在菩薩無見無聞彼無自性乃至如來亦所不見於意云何善男子普賢等諸菩薩皆具不可思議不能了知彼觀自在之所變化善男子觀自在菩薩摩訶薩現種種救度無數百千万俱胝那庾多有情令得往生極樂世

界見無量壽如來得聞法要皆令當
得成菩提道時除蓋障菩薩白世尊
言不知以何方便令我得見是觀自
在菩薩摩訶薩

佛告善男子彼菩薩必當來此索訶
世界而來見我禮拜供養時除蓋障
菩薩白佛言世尊可知是觀自在菩
薩摩訶薩而來於此為於何時

佛告善男子候此有情根熟之時彼
觀自在菩薩摩訶薩先來到此時除
蓋障菩薩摩訶薩以手揅顯作是思
惟我今云何有是罪障壽命雖長而
無所益不得見彼觀自在菩薩恭敬
禮拜猶如盲人在道而行時除蓋障
菩薩復白佛言世尊彼觀自在菩薩
摩訶薩為實何時而來於此耶

尔時世尊微笑告言善男子觀自在
菩薩摩訶薩彼於無時而是來時善
男子彼菩薩身而有毛孔名灑甘露
於是毛孔之中有無數百千万俱胝
那度多天人止住其中有證初地二
地乃至有證十地菩薩摩訶薩位者
除蓋障彼灑甘露毛孔之中而有六

十金銀寶山其一山高六万踰繕
耶有九万九千峯以天妙金寶周徧
莊嚴一生補處菩薩於彼而住復有
無數百千万俱胝那度多彥達縛眾
於彼毛孔而於恒時奏諸音樂除蓋
障彼灑甘露毛孔之中又有無數百
千万俱胝那度多宮殿以天摩尼妙
寶周徧莊嚴見者其意適然復有種
種真珠瓔珞而校飾之於彼宮殿各
有菩薩說微妙法出是宮殿各各經
行於經行處而有七十七池八功德
水盈滿其中有種種華所謂毘鉢羅
華鉢訥摩華矩母那華奔拏利迦華
摩丹駄迦華曼那羅華摩賀曼那羅
華充滿其中彼經行地復有適意劫
樹以天金銀而為其莖莊嚴於上懸
諸天冠瓊瑤珍寶瓔珞種種莊嚴彼
諸菩薩而經行已於夜今時憶念種
種大乘之法思惟寂滅之地思惟地
獄鬼趣傍生作如是思惟已而入慈
心三摩地除蓋障於彼毛孔如是菩
薩出現其中復有毛孔名金剛面而
於其中有無數百千万緊那羅眾種

種華瓔珞徧身莊嚴以妙塗香用
塗其體見者歡喜而彼恒時念佛法
僧得不壞信住法忍慈思惟寂滅遠
離輪迴如是如是善男子彼緊那羅
眾心生愛樂彼之毛孔有無數山而
於其中有金剛寶窟金寶窟銀寶窟
玻胝迦寶窟蓮華色寶窟青色寶窟
復有具足七寶窟如是善男子於彼
毛孔有斯變現而於是中又有無數
劫樹無數栴檀大樹微妙香樹無數
浴池百千万天宮寶殿玻胝迦莊嚴
巧妙清淨適意寶殿於彼出現如是
宮殿緊那羅眾止息其中既止息已
說微妙法所謂布施波羅蜜多法及
持戒忍辱精進靜慮智慧波羅蜜多
法說是六波羅蜜多已各各經行而
於是處有黃金經行道白銀經行道
於是周匝而有劫樹金銀為莖上有
種種天衣寶冠瓊瑤寶鈴瓔珞如是
莊嚴彼經行處又有樓閣緊那羅於
是經行思惟沉淪生苦老苦病苦死
苦貧窮困苦愛別離苦冤憎會苦求
不得苦或墮針刺地獄黑繩地獄喝

融大地獄極熱大地獄火坑地獄或墮餓鬼趣如有情受大苦惱彼緊那囉作是思惟如是善男子彼緊那囉樂甚深法思惟圓寂真界復於恒時念觀自在菩薩摩訶薩名号由是稱念而於是時得諸資具悉皆豐足善男子觀自在菩薩摩訶薩乃至名号亦難得值何以故彼與一切有情如大父母一切恐怖有情施之無畏開導一切有情為大善友如是善男子彼觀自在菩薩摩訶薩有六字大明陀羅尼難得值遇若有人能稱念其名當得生彼毛孔之中不受沉淪出一毛孔而復往詣入一毛孔於彼而住乃至當證圓寂之地時除蓋障菩薩白世尊言世尊今此六字大明陀羅尼為從何處而得耶

佛告善男子此六字大明陀羅尼難得值遇至於如來而亦不知所得之處因位菩薩云何而能知得耶除蓋障菩薩白世尊言如是陀羅尼今佛如來應正等覺云何而不知耶佛告善男子此六字大明陀羅尼是

大佛莊嚴寶王經卷第三 第十六疏抄

佛說大佛莊嚴寶王經卷第三

觀自在菩薩摩訶薩微妙本心若有知是微妙本心即知解脫時除蓋障菩薩白世尊言世尊諸有情中有能知是六字大明陀羅尼者不佛言無有知者善男子此六字大明陀羅尼無量相應如來而尚難知菩薩云何而得知此觀自在菩薩微妙本心處耶我往他方國土無有知是六字大明陀羅尼處者若有人能而常受持此六字大明陀羅尼者於是持誦之時有九十九苑如河沙數如來集會復有如微塵數菩薩集會復有三十二天子衆亦皆集會復有四大天王而於四方為其衛護復有娑戔羅龍王無熱惱龍王得叉迦龍王縛耆蘇枳龍王如是無數百千萬俱胝那庾多龍王而來衛護是人復有地中藥叉虛空神等而亦衛護是人善男子觀自在菩薩身毛孔中俱胝數如來止息已讚歎是人言善哉善哉善男子汝能得是如意摩尼之寶汝七代種族皆當得其解脫善男子彼持明人於其腹中所有諸蟲當得不退轉菩

大佛莊嚴寶王經卷第三 第十七疏抄

薩之位若復有人以此六字大明陀羅尼身中項上戴持者善男子若有得見是戴持之人則同見於金剛之身又如見於舍利摩竭波又如見於如來又如見於具一俱胝智慧者若有善男子善女人而能依法念此六字大明陀羅尼是人而得無盡辯才得清淨智聚得大慈悲如是之人日日得具六波羅蜜多圓滿功德是人得天轉輪灌頂是人於其口中所出之氣觸他人身所觸之人發起慈心離諸瞋毒當得不退轉菩薩速疾證得阿耨多羅三藐三菩提若此戴持之人以手觸於餘人之身蒙所觸者是人速得菩薩之位若是戴持之人見其男子女人童男童女乃至異類諸有情身如是得所見者悉皆速得菩薩之位如是之人而永不受生老病死苦愛別離苦而得不可思議相應念誦今此六字大明陀羅尼作如是說

佛說大佛莊嚴寶王經卷第三

乙巳歲高麗國大藏都監奉勅雕造

大佛莊嚴寶王經卷第三 第十八疏抄

佛說大集莊嚴寶王經卷第四

杜

西天中印度是也。翻經國音。三藏經。卷第四。目。卷。目。目。

今時除蓋障菩薩而白佛言世尊我今云何得是六字大明陀羅尼若得彼者不可思議無量禪定相應即同得阿耨多羅三藐三菩提入解脫門見涅槃地貪瞋永滅法藏圓滿破壞五趣輪迴淨諸地獄斷除煩惱救度傍生圓滿法味一切智智演說無盡世尊我須是六字大明陀羅尼我為此故以四大洲滿中七寶布施以為書寫世尊若乏帝筆我刺身血以為墨刺皮為帝析骨為筆如是世尊我無悔悵尊重如我父母

今時佛告除蓋障菩薩言善男子我念過去世時為此六字大明陀羅尼徧歷如微塵數世界我供養無數百千萬俱胝那庾多如來我當於彼諸如來處不得而亦不聞時世有佛名寶上如來應供正徧知明行足善逝世間解無上士調御丈夫天人師佛世尊我當於彼佛前涕淚悲泣時彼

如來應正等覺言善男子汝去勿應悲泣善男子汝往到彼見蓮華上如來應正等覺在於彼處彼佛知是六字大明陀羅尼善男子我當辭離寶上如來所往詣蓮華上如來佛刹到已頂禮佛足合掌在前唯願世尊與我六字大明陀羅尼彼真言王一切本母憶念其名罪垢消除疾證菩提為於此故我今疲困我往無數世界而不能得今迴來於此處

是時蓮華上如來即說此六字大明陀羅尼功德言善男子所有微塵我能數其數量善男子若有念此六字大明陀羅尼一徧所獲功德而我不能數其數量善男子又如大海所有沙數我能數其一數量善男子若念六字大明一徧所獲功德而我不能數其數量善男子又如天人造立倉廩周一千踰繕那高一百踰繕那時積脂麻盈滿其中而無容針彼守護者不老不死過於百劫擲其一粒脂麻在外如是倉內擲盡無餘我能數其數量善男子若念六字大明一

大集莊嚴寶王經卷第四 第二疏 杜

徧所獲功德而我不能數其數量善男子又如四大洲種種穀麥等物龍王降雨澤以時所植之物悉皆成熟刈俱畢以南瞻部洲而為其場以車乘等般運場所治踐俱畢都成大聚善男子如是我能數其一粒數善男子若念此六字大明一徧所獲功德我則不能數其數量善男子此南瞻部洲所有大河晝夜流注所謂泉多河諒誡河焰母那河縛葛河設多嚕捺羅河贊捺羅河婆羅河愛羅縛底河蘇摩誡河四庫河迦擲式那哩河此一一河各有五千眷屬小河於其晝夜流入大海如是善男子彼等大河我能數其一一滴數善男子若念此六字大明一徧所獲功德而我不能數其數量善男子又如四大洲所有四足有情師子象馬野牛水牛虎狼猴鹿羆羊豺兔如是等四足之類我能數其一毛數善男子若念六字大明一徧所獲功德而我不能數其數量善男子又如金剛鉤山王高九萬九千踰繕那

大集莊嚴寶王經卷第四 第三疏 杜

下八萬四千踰繕那彼金剛鉤山王
方面各八萬四千踰繕那彼山有人
不老不死經於一劫旋遠彼山而得
一匝如是山王我以憐尸迦衣我能
拂盡無餘若有念此六字大明一徧
所獲功德而我不能說盡數量善男
子又如大海深八萬四千踰繕那穴
口廣闊無量我能以一毛端滴盡無
餘善男子若有念此六字大明一徧
所獲功德而我不能說盡數量善男
子又如大尸利沙樹林我能數盡一
一葉數善男子若有念此六字大明
一徧所獲功德而我不能說盡數量
善男子又如滿四大洲所住男子女
人童子童女如是一切皆得七地菩
薩之位彼菩薩衆所有功德與念六
字大明一徧功德而無有異善男子
又如除十二月年遇閏一十三月以
餘閏月算數爲年足滿天上一劫於
其晝夜常降大雨善男子如是我能
數其一一滴數若有念此六字大明
陀羅尼一徧功德數量甚多於彼於
意云何善男子又如一俱胝數如來

大樂莊嚴寶王經卷第四 第三頌

佛說大樂莊嚴寶王經卷第四

在於一處經天一劫以衣服飲食座
卧敷具及以湯藥受用資具種種供
養彼諸如來而亦不能數盡六字大
明功德數量非唯我今在此世界我
起定中不可思議善男子此法微妙
加行觀智一切相應於未來當得
是微妙心法彼觀自在菩薩摩訶薩
善住如是六字大明陀羅尼善男子
我以加行徧歷無數百千萬俱胝那
庖多世界到彼無量壽如來所在前
合掌爲於法故涕泣流淚時無量壽
如來知我見在及以未來而告我言
善男子汝須此六字大明王觀行瑜
伽耶我時白言我須是法世尊我須
是法善逝如渴乏者而須其水世尊
我爲是六字大明陀羅尼故行無數
世界承事供養無數百千萬俱胝那
庖多如來未曾得是六字大明王陀
羅尼唯願世尊救我愚鈍如不具足
者今得具足迷失路者引示道路陽
焰炎熱爲作陰覆於四衢道植娑羅
樹我心渴仰是法唯願示導令得善
住究竟之道探金剛甲冑是時無量

大樂莊嚴寶王經卷第四 第三頌

壽如來應正等覺以迦陵頻伽音聲
告觀自在菩薩摩訶薩言善男子汝
見是蓮華上如來應正等覺爲此六
字大明陀羅尼故徧歷無數百千萬
俱胝那庖多世界善男子汝應真是
六字大明此如來爲是故來於此觀
自在菩薩白世尊言不見曼拏羅者
不能得此法云何知是蓮華印云何
知是持摩尼印云何知是一切王印
云何知是曼拏羅清淨幹今此曼拏
羅相周圍四方各五肘量中心曼
拏羅安立無量壽粉布應用因捺羅
二祇羅寶鉢鉢訖摩訶囉 誡寶
鉢摩囉揭多寶鉢玻胝迦寶鉢蘇縛
囉拏^二囉^三 播寶鉢於無量壽如來
右邊安持大摩尼寶菩薩於佛左邊
安六字大明四辟肉色白如月色種
種寶莊嚴左手持蓮華於蓮華上安
摩尼寶右手持數珠下二手結一切
王印於六字大明足下安天人種種
莊嚴右手執香爐左手掌鉢滿盛諸
寶於曼拏羅四角列四大天王執持
種種器仗於曼拏羅外四角安四賢

大樂莊嚴寶王經卷第四 第六頌

瓶滿盛種種摩尼之寶若有善男子
善女人欲入是曼拏羅者所有眷屬
不及入是曼拏羅中但書其名彼先
入者擲彼眷屬名字入於曼拏羅中
彼諸眷屬皆得菩薩之位於其中
離諸苦惱速疾證得阿耨多羅三藐
三菩提彼阿闍梨不得妄傳若有方
便善巧深信大乘加行志求解脫如
是之人應與不應與外道異見是時
無量壽如來應正等覺告觀自在菩
薩摩訶薩言善男子若有如是五種
色寶珠當得建置是曼拏羅若善男
子善女人貪置不能辨是寶珠者云
何觀自在白言世尊當以方便用種
種顏色而作以種種香花等供養若
善男子而亦不辨或寄旅停或在道
行時阿闍梨運意想成曼拏羅結阿
闍梨印相是時蓮華上如來應正等
覺告觀自在菩薩言善男子與我說
是六字大明王陀羅尼我為無數百
千萬俱胝那庾多有情令離輪迴苦
惱速疾證得阿耨多羅三藐三菩提
故是時觀自在菩薩摩訶薩與蓮華

上如來應正等覺說是六字大明陀
羅尼曰

唵 麼 呢 鉢 鉢 訖 鉢 二 合

當說此六字大明陀羅尼時此四大
洲并諸天宮悉皆震搖如芭蕉葉四
大海水波浪騰湧一切尾耶野迦藥
叉囉刹娑婆世界摩訶迦囉等并諸
眷屬諸魔作障者悉皆怖散馳走
余時蓮華上如來應正等覺舒如鳥
王鼻臂授與觀自在菩薩摩訶薩價
直百千真珠瓔珞以用供養觀自在
菩薩既受得已持奉上彼無量壽如
來應正等覺彼佛受已還持奉上蓮
華上如來而於是時蓮華上佛既受
得是六字大明陀羅尼已而還復彼
蓮華上世界中如是善男子我於往
昔之時於彼蓮華上如來應正等覺
所得聞是陀羅尼
余時除蓋障菩薩而白佛言世尊今
我云何得是六字大明陀羅尼世尊
如是相應甘露德味充滿世尊我若
得聞是陀羅尼而無懈憊心念思惟

而能受持令諸有情而得聞是六字
大明陀羅尼獲大功德願為宣說
佛告善男子若有人書寫此六字大
明陀羅尼者則同書寫八万四千法
藏而無有異若有人以天金寶造
作如微塵數如來應正等覺形像如
是作已而於一日虔讚供養所獲果
報不如書寫此六字大明陀羅尼中
一字所獲果報功德不可思議善住
解脫若善男子善女人依法念此六
字大明陀羅尼者是人當得三摩地
所謂持摩尼寶三摩地廣博三摩地
清淨地獄傍生三摩地金剛甲冑三
摩地妙足平滿三摩地入諸方便三
摩地入諸法三摩地觀莊嚴三摩地
法車聲三摩地遠離貪瞋癡三摩地
無邊際三摩地六波羅蜜多門三摩
地持大妙高三摩地救諸怖畏三摩
地現諸佛刹三摩地觀察諸佛三摩
地得如是等一百八三摩地是時除
蓋障菩薩白佛言世尊我今為於何
處令我得是六字大明陀羅尼願為
宣示

佛告善男子於波羅奈大城有一法師而常作意受持課誦六字大明陀羅尼白世尊言我今欲往波羅奈大城見彼法師禮拜供養佛言善哉善哉善男子彼法師者難得值遇能受持是六字大明陀羅尼見彼法師同見如來無異如見功德聖地又如見福德之聚如見珍寶之積如見施願如意摩尼珠如見法藏如見救世者善男子汝若見彼法師不得生其輕慢疑慮之心善男子恐退失汝菩薩之地反受沉淪彼之法師戒行毖犯而有妻子大小便利觸汚袈裟無有威儀

亦時除蓋障白世尊言如佛教勸於是除蓋障菩薩與無數菩薩出家之眾長者童子童女擁從欲興供養持其天蓋及諸供具寶冠瓊瑤莊嚴璎珞指環寶劍橋尸迦等衣服繒綵卧具復有種種妙華所謂優鉢鉢羅華矩母那華奔拏哩迦華曼那羅華摩訶曼那羅華曼殊沙華摩訶曼殊沙華優曇鉢羅華復有種種樹華瞻波

迦華迦囉尾羅華波叱囉華阿底目訖多^{二合}迦華縛囉史^{二合}迦華君^去多華蘇摩娜華摩理迦^引華而有鴛鴦白鶴舍利飛騰而隨復有百種葉青黃赤白紅玻璃迦等色復有種種珍果持如是等供養之物往波羅奈大城詣法師所到已頭面禮足雖見彼法師戒行毖犯無有威儀以所持繖蓋供具香華衣服莊嚴物等大興供養畢已合掌住彼法師前言大法藏是甘露味藏是甚深法海由如虛空一切之人聽汝說法天龍藥叉彥達縛阿蘇囉識嚕拏摩護羅藥人非人等於汝說法之時一切皆來聽汝說法如大金剛令諸有情解脫纏縛輪迴之報彼等有情獲斯福德此波羅奈大城所住之人常見汝故諸罪悉滅猶如於火焚燒林木如來應正等覺了知於汝今有無數百千萬俱胝那庾多菩薩來詣於汝興供養事大梵天王那羅延天大自在天日天月天風天水天火天閻魔法王并四大天王皆來供養是時法師自言

善男子汝為戲耶為實有所求聖者為於世間斷除輪迴煩惱耶善男子若有得此六字大明王陀羅尼者是入貪瞋癡三毒不能染汚猶如紫磨金寶塵垢不可染著如是善男子此六字大明陀羅尼若有戴持在身中者是人亦不染著貪瞋癡病亦時除蓋障菩薩執於彼足白言未具明眼迷失妙道誰為引導我今渴法願濟法味今我未得無上正等菩提令善安住菩提法種色身清淨眾善不壞令諸有情皆得是法眾人說言勿懷怯惜唯願法師與我六字大明王法今於我等速得阿耨多羅三藐三菩提當轉十二法輪救度一切有情輪迴苦惱此大明王法昔所未聞今令我得六字大明王陀羅尼無救無依為作恃怙闇夜之中為燃明炬時彼法師告言此六字大明王陀羅尼難得值遇如彼金剛不可破壞如見無上智如無盡智如如來清淨智如入無上解脫遠離貪瞋癡輪迴苦惱如禪解脫三摩地三摩鉢底如入一切

法而於恒時聖衆愛樂若有善男子
於種種處爲求解脫遵奉種種外道
法所謂敬事帝釋或事白衣或事青
衣或事日天或事大自在天那羅延
天藥嚕拏中裸形外道中愛樂如是
之處彼等不得解脫無明虛妄空得
修行之名徒自疲勞一切天衆大梵
天王帝釋天主那羅延天大自在天
日天月天風天水天火天閻魔法王
四大天王而於恒時云何求我六字
大明王彼等得我六字大明王皆得
解脫故除蓋障一切如來般若波羅
蜜多母宜說如是六字大明王一切
如來應正等覺及菩薩衆而皆恭敬
合掌作禮善男子此法於大乘中最
上精純微妙何以故於諸大乘契經
應頌授記諷頌譬喻本生方廣希法
論議中得善男子獲斯本母寂靜解
脫何假多耶猶如收精稻穀於已舍
宅器盛盈滿日曝今乾擣治扇颺弄
彼糠皮何以故爲收精米如是餘異
瑜伽如彼糠皮於一切瑜伽中此六
字大明王如糠米見善男子菩薩爲

大寶莊嚴寶王經卷第四 第三三號

斯法故行施波羅蜜多及持戒忍辱
精進靜慮般若波羅蜜多善男子此
六字大明王難得值遇但念一徧是
人當得一切如來以衣服飲食湯藥
及坐卧等資具一切供養令時除蓋
障菩薩白法師言與我六字大明王
羅尼時彼法師正念思惟而於虛空
忽有聲云聖者與是六字大明王時
彼法師思惟是聲從何而出於虛空
中復出聲云聖者今此菩薩加行志
求寔應與是六字大明王矣時彼法
師觀見虛空中蓮華手蓮華吉祥如
秋月色毼鬘寶冠頂戴一切智殊妙
莊嚴見如是身相法師告除蓋障言
善男子觀自在菩薩摩訶薩可令與
汝六字大明王陀羅尼汝應諦聽時
彼合掌虔恭聽是六字大明王陀羅
尼曰
唵 廢提鉢訥銘二合 吽引
於是與彼陀羅尼時其地悉皆六種
震動除蓋障菩薩得此三摩地時復
得微妙慧三摩地發起慈悲三摩地
相應行三摩地得是三摩地已時除

大寶莊嚴寶王經卷第四 第十四號

蓋障菩薩摩訶薩以四大洲滿中七
寶奉獻供養法師於是法師告言今
所供養未直一字云何供養六字大
明不受汝供善男子汝是菩薩聖者
非非聖者彼除蓋障復以價直百千
真珠瓔珞供養法師時彼法師言善
男子當聽我言汝應持此供養釋迦
牟尼如來應正等覺令時除蓋障菩
薩頭面禮法師足已既獲滿足其意
辭彼而去而復往詣祇陀林園到已
頂禮佛足
尔時世尊釋迦牟尼如來應正等覺
告言善男子知汝已有所得如是世
尊而於是時有七十七俱胝如來應
正等覺皆來集會彼諸如來同說陀
羅尼曰
曩莫 毼鉢多二合 南引 三藐說
三沒駄三合 致南引 怛你也二合
他主 唵引 左隸引 祖隸引 嚩上 祢六
娑縛二合 賀十
於是七十七俱胝如來應正等覺說
此陀羅尼時彼觀自在菩薩身有一
毛孔名曰光明是中有無數百千万

大寶莊嚴寶王經卷第四 第十五號

俱胝那庾多菩薩於彼日光明毛孔中復有一万二千金山其一山各千二百峯其山周匝蓮華色寶以為莊嚴而於周匝有天摩尼寶適意園林又有種種天池又有無數百千万金寶莊嚴樓閣上懸百千衣服真珠瓔珞彼樓閣中有微妙如意寶珠供給彼諸菩薩摩訶薩一切所須資具時諸菩薩入樓閣中而念六字大明是時見涅槃地到彼涅槃之地見於如來觀見觀自在菩薩摩訶薩心生歡喜於是菩薩出彼樓閣往經行處而於其中有諸寶園而復往詣浴池復往蓮華色寶山在於一面結跏趺坐而入三昧如是善男子菩薩住彼毛孔善男子復有毛孔名帝釋王其中有無數百千万俱胝那庾多不退轉菩薩於是帝釋王毛孔中復有八万天金寶山於其山中有如意摩尼寶名蓮華光隨彼菩薩心所思惟皆得成就時彼菩薩於彼山中若念飲食無不滿足而無輪迴煩惱之苦恒時思惟其身無異思惟善男子復有

毛孔名曰大藥於中有無數百千万俱胝那庾多初發心菩薩善男子於彼毛孔有九万九千山於此山中有金剛寶窟金寶窟銀寶窟帝青寶窟蓮華色寶窟綠色寶窟玻胝迦色寶窟如是山王有八万峯種種適意摩尼及諸妙寶莊嚴其上於彼峯中有彥達縛衆恒奏樂音彼初發心菩薩思惟空無相無我生苦老苦病苦死苦愛別離苦怨憎會苦墮阿鼻地獄苦墮黑繩地獄諸有情苦墮餓鬼趣諸有情苦作是思惟時結跏趺坐而入三昧於彼山中而住善男子有一毛孔名續畫王是中有無數百千万俱胝那庾多緣覺衆現火焰光於彼毛孔有百千万山王彼諸山王七寶莊嚴復有種種劫樹金銀為葉無數百寶種種莊嚴上懸寶冠瓊瑤衣服種種瓔珞懸諸寶鈴嬌尸迦衣復有金銀寶鈴震響丁丁如是劫樹充滿山中無數緣覺於彼而住常說契經應頌授記諷頌譬喻奉生方廣希法論議如是之法除蓋障時諸緣覺出

彼毛孔最後有一毛孔名曰幡王廣八万踰繕那於中有八万山種種妙寶及適意摩尼以為嚴飾彼山王中有無數劫樹無數百千万栴檀香樹無數百千万大樹復有金剛寶地復有九十九樓閣上懸百千万金寶真珠瓔珞衣服於彼毛孔如是出現為除蓋障說已

尔時佛告阿難陀若有不知業報於精舍內涕唾及大小便利等今為汝說若於常住地涕唾者是人生於娑羅樹中為針口蟲經十二年若於常住地大小便利者是入於波羅奈大城大小便利中生為穢汚蟲若私用常住齒木者墮在龜魚及摩竭魚中生若盜用常住油麻米豆等者墮在餓鬼趣中頭髮蓬亂身毛皆豎腹大如山其咽如針燒燃枯焦唯殘骸骨是人受斯苦報若輕慢衆僧者是人當墮貧賤家生隨所生處根相不具背偃陞陋捨是身已而復生處多病疥癩手足摩蹙而有膿血盈流其身零落身肉經百千万歲受斯苦報若

盜用常住地者墮大號叫地獄中口
吞鐵丸唇齒斷嚼及其咽喉悉燒爛
壞心肝腸胃徧體焦然時有苾芻言
業風吹彼死而復活於是閻魔獄卒
驅領罪人彼自業感生於大古有百
千萬鐵犁耕彼舌上受是苦報經多
千萬年於此地獄出已復入大火鑊
地獄彼有閻魔獄卒驅領罪人以百
千萬針刺其舌上業力故活驅至火
坑而擲入中又驅至奈河而擲入中
而亦不死如是展轉入餘地獄經歷
三劫是人復於南瞻部洲貧賤家生
其身盲瞶受斯苦報慎勿盜用常住
財物若苾芻持戒應受持三衣若入
王宮應當披持第一大衣若常衆中
應當披持第二衣若作務時或入村
落或入城隍或道行時應當披持第
二衣苾芻應如是受持三衣若得戒
得功德得智慧我說苾芻應持是
戒不得盜用常住財物猶如火坑常
住如毒藥常住如重檐毒藥可能救
療若盜用常住物者無能救濟亦時
具壽阿難隨白世尊言如佛教勅當

大藏經藏經卷之三 第九卷 七

具行學若苾芻受持別解脫應善安
住守護世尊學處時具壽阿難隨頂
禮佛足遠已而退時諸大聲聞各各
退還本處一切世間天龍藥叉彥達
縛阿蘇羅藥叉摩拏緊那囉摩護羅
人非人等聞佛說已歡喜信受禮佛
而退

佛說大乘莊嚴寶王經卷第四

乙巳歲高麗國大藏都監奉

勅剛造

大藏經藏經卷之三 第九卷 七

大藏經藏經卷之三 第九卷 七

佛說大乘聖無量壽決定光明如來變隱尼經

要令信受此經功德甚大不可思議

如是我聞一時世尊在舍衛國祇樹
給孤獨園與大苾芻衆千二百五十
人俱皆是漏盡意解無復煩惱逮得
已利心善解脫衆所知識大阿羅漢
復有智慧廣大功德莊嚴威儀具足
諸尊菩薩摩訶薩等爲聞法故皆悉
來集於衆會中有大慧妙吉祥菩薩
摩訶薩而爲上首尔時釋迦牟尼佛
愍念未來世中一切短命衆生令增
壽命得大利益爲說不可思議秘密
甚深微妙勝法

世尊吉大慧妙吉祥菩薩言汝等諦
聽從是南閼浮提西方過無量佛土
有世界名無量功德藏國土嚴麗衆
寶間飾清淨殊勝安隱快樂超過十
方微妙第一於彼無量功德藏世界
之中有佛名無量壽決定光明王如
來無上正等菩提今現住彼世界之
中起大慈悲爲諸衆生演說妙法令
獲殊勝利益安樂

佛復告妙吉祥菩薩言今此閼浮提